


اوچتون داخما

حسین دوزگون.



حسین دوزگون

اوچغون داخما

(شعر مجموعه سی)

آذربایجان مدنیت جمعیتی

تهران

۱۳۶۱

جمعیت فرهنگ آذربایجان صندوق پستی ۳۱۴/۱۸۱۶ ، تهران - ۱۳ .

The Association of Culture of Azerbaijan.P. O. Box
314/1816, Tehran - 13, IRAN

حسین دوزگون

اوچقون داخما (شهرمجموعه‌سی)

چاپ اول، خردادماه ۱۳۶۱

طرح جلد، ج. شناعی

چاپ و نشر و ترجمه در داخل ایران بدون اجازه کتبی از جمعیت فرهنگ
آذربایجان ممنوع است.

بها ۹۰ ریال

ایچینده کیلر

۹	آچیردی سحر!
۲۲	کیم؟
۲۳	هوندور قالان لیاقتدیر
۲۶	خیام
۲۷	آغ یئل
۲۸	عصیان
۲۹	لقاح
۳۰	یاشا، ستارخان!
۳۲	ئونومه چیخ گلین!
۳۹	آجی جنگک
۴۴	یالان گؤتورمز
۴۶	ائل قوشمالاری اساسیندا
۴۸	ناغیل
۴۹	دوزلر
۵۰	گذردیم
۵۲	بایاتی
۵۳	یاشاریم منیم
۵۵	اوغول
۵۷	اوچقون داخما
۵۸	اویاغی

۵۹	اصلاحات
۶۱	کندلی قیز
۶۴	قاینازارام
۶۵	فخوریه
۶۸	بلوچ قارداشیم
۷۰	کندلی لرین اونخومالاری
۷۴	آی قالاسی

آذربایجان مدنیت جمعیتی نشر اندیر

۱۲

اوچغون داخما

آچیردی سحر!...

-۱-

کولک قالخیب دولاشیردی چووغونلو بیر هاوادا،
هوندور داغلاریاتمیش، باشقا یوخ ایدی هئج سس - صدا.
قارا گمجه آپارمیشدی آخیشلاری یوخویا،
شاختا امکان بوراخمیردی جاناواریلار اولویا.
کند آشاغی درین بیر چای آغیر - آغیر آخیردی،
آغ گئیملی بیر تک آغاج، اوزاقلاراباخیردی.
اودقون - داشغین سئل سولاری سیخیلمیشدی ساختادان،
دره لرده تولکو بگمیش، تپه لرده قار بوران.
دلیکلری، چالالاری شپه دوتوب باسیردی
هارداسا بیر آلچاق آخیش، بئله زورا سوسوردو.
دار بیر جیغیر بوروش - بوروش باسیلیردی قارلارا،
آت - اولاقلار آچان ردلر، ئورتولوردو آستاجا.

بو جیغیرا قانلی - قانلی لوت آیاقلار قویولوب،
قالین - قالین دابانلاردان قات - قات دری سویولوب
بو جیغیردا مینلر انسان، چاتیلارلا سورونوب،
پارا - پارا چوللاری دا قیزیل قانا بورونوب.
بو جیغیردا مینلر گلین آنلار اؤسته قاچیلیب،
سحر - آخشام دورقون گونش مینلر لئشه ساچیلیب.
ساعاتدا بیر مینلر قادین داش اؤستونده اوتوروب،
بالالارین بئللریندن آچیب، سوددن دیوروب.
بو جیغیردا خانلار - بیگلر احتراملا آتلانیب

یانلاریندان ئوتن کیمسه ئونلرینده قاتلانیب.
 بو جیغیردا یالقیزلاری جاناوارلار بورویوب
 دوتوب بوغوب، لشلرینی یاماجلاردان سورویوب.
 بو جیغیردان گوهنچیلر اوباشداندن ئوتوبلر،
 ارباب ئوترو داغ - داشلارا بئعار ایشه گئدیبلر.
 مینلر آنا اوره کلری داغلانیبلار بورادا.
 مینلر ایگید بو جیغیردا باغلانیبیدیر آتلارا
 اکینچیلر یورغون - یورغون آخشام بوردان کچیبلر،
 خانلار بوردا ییغوا قوروب قیزیل شراب ایچیبلر.

دار بیر جیغیر بوروش - بوروش باسیلیردی قارلارا،
 آت اولاقلار آچان ردلر ئورتولوردو آستاجا.
 کولک قالخیب دولاشیردی چووغونلو بیر هاوادا،
 هوندور داغلار یاتیب باشقا یوخ ایدی هئج سس - صدا.
 ظلمت ایچره زورلانیردی آمانسیز بیر چووغون - قار
 آنجاق چن لر آرا چتین سئچیلیردی داخملار.
 ویلدیا ایز سالیردی گاهدان سسی ایتلرین
 کولک هردن شپهلری یاتیردیردی آن قلین.
 گئجه ئوتموش یاریسیندان، یوخلامیشدی طبیعت،
 بوروموشدو کندین ایچین قویروقلو بیر چن - ظلمت.
 یاتیشمیشدی چؤلده دوشن هرداغ، آخیش، هر قایا،
 حتا کولک یورولموشدو، ایسته ییردی یوخلایا.
 «جناب سروان» ساراییندان لاکن ایشیق ساچیردی،
 سارای دوره قارانیلغی - دومانلاری بیچیردی.

سارای ایچی سانکی اصلا چؤلدن یوخموش خبری،
 قالمامیشدیر اوردا هئچ بیر قوجا قیشین اثری.
 اوینایردی آغ دیواردا سوزمانین کؤلگه سی
 سورونوردو ایستی لیکله تارین اینجه خوش سسی.
 قاوزانیردی، یشیلیردی، تیره ییردی زخمه لر،
 باجاریقلی آلرله، آچیلیردی پرده لر.
 پنجره نین پرده سیسه، گؤ ستردیردی بونلاری،
 آخیشیردی اونون اوسته رقصلرین ده بیاری.
 فرماندهین دولغون گؤزو بو رقصله باخیردی.
 او جنابین دوره سینى، بوروموشدو قادینلار
 کیمیسى لوت، کیمی پالتار ایچره، سانکی نوبهار.
 کیمی اونون باشین آلیب اینجه بودو اوستونه
 کیمیسیده گلاب تۇ کور آیاغینین پوستونه.
 کیمی آچیب سینه سینى، چیچک سرب اوزونه،
 کیمیسیده خمار گؤزون تکیب اونون گؤزونه.
 کیمی قیزیل یاناغی ایله اوخشاییردی چینگینی،
 کیمیسیده باشقا جوره یو کسایدیردی شنلیگی.
 «باباکرم» هاوا سیله اویناییردی بیرىسى،
 «پیشه وری، خیلی خری!» اوخویوردو کیمیسى.

بیرده قالخدی آلنى اوسته فرماندهین گؤزلىرى،
 تئز سارسیتدی قادینلاری باخیشینین کؤزلىرى
 چکیمدیلر بیر بوجاغا اینجه بدن قادینلار،
 سوسدو هرزاد حتا کؤلگه، حتا شراب، حتاتار.

بوتون سارای انتظارلا او جنابا تیکدی گۆز،
 کیمسهده یوخ هئج سس - سمیر، کۆنوللرده سوسدو سۆز.
 نئچه لحظه آغیر سکوت باسدی تمام سارایی،
 آنجاق بوردا چؤکدو ایچری چؤلونسس - کویوهای
 بورولاراق ویلدادی کولک بیر آن ائشیکده،
 سرخوشلاردا آنلادیلار قیش دوروبدور کئشیکده.
 انتظارا سون وئریلدی، سۆزه گلدی او شیطان
 هامی قیرپدی قولقلارین هره ائتدی بیر گمان.
 کیمی دئدی:

- وای آلاهای، من چاشدیممی هارادا؟
 کیم دوشوندو:

- گۆره سن کی کیم ئوله جک آرادا؟
 گۆره سن کی کیمه توتدو بو جنابین غضبی؟
 آلاهی ندیر بو حالتین، بو غضبین سببی؟
 او باغیردی:

- کجاس گلناز؟

و تیره دی نفسی.

سکوت ایچره فیزلانییان قاییدیردی گور سسی
 بیر آن کئچدی، سس - سمیر یوخ، بیرده دئدی:
 - آمورادا

سارایدا سس، چۆلدە کولک، قوپارتدیلار داد - بئداد.
 یئنە ده یوخ جواب وئرن، او باغیردی:
 - ها گم شین!

و قادینلار داغیم - داغیم باسدی چۆله بیر - بیرین.
 بیر لحظه ده سارای دولو باسیم - باسیم انساندان،

قالمادی ھىچ نە بىر اثر، نەدە بىر ايز نە نشان.
 چۈكموش ايدى قىزىل شراب گۆزلىرىنىن ايچىنە،
 قالخىمىش ايدى گور بىر ھوس اورە گىنىن دىيىنە.
 خوليالارين عالمىندە چىخىمىش ايدى ئوزوندن،
 دولغون غىصب چاخماقدايدى بوش سارايدا گۆزوندن.
 گاھدان يثرە قالان تارين سىملىرىنى بوروردو،
 گاھدانسادا اودقونوردو، نفس - نفس ووروردو.

آغ دىوارا بىردن چۈكدو جانلى قارا بىر كۈلگە،
 آچىق قابى بىر تىترەدى جناب سروان ئونوندە.
 بودور، موراد ايچرىدە اووا - اووا گۆزلىرىن،
 گۆرن كىمى فرماندەھى ايتىرمىشىدى سۆزلىرىن.
 - بلە قربان!

دئىيە، دوردو سۇيود كىمى قىراقدا،
 اورە گىندە دۈنە دۈنە چاغىرىدى:
 - بىسمىللاھ!

فرماندەھىن دولغون گۆزو چاخدى بىردن مورادا
 ايستەدى كى قالخىب جو ما ياغدىرا مېن بىر قادا.
 لاكن لېين چىئىنەرك:
 - بگو بىنم چى شد اين؟
 دئىيە، دوردو، چىرپىناراق دالى وئردى نفسىن.
 - يا آللاھى!

دئىيە موراد بئله آچدى ئوز سسىن:
 - بلە قربون درخدمتم!
 و تىترەدى قىچلارى.

كجاس گلناز پدر سوخته!

او قوپارتدی هاواری.

فرمانده ئوز نظريندن كئچيريردى گلنازى.

سانكى بيرده آغاج آرا باسدیلار بير پاوازى.

او باغيردى:

— باشو، گم شو، دختره رو بيار اينجا؟

آياق اوسته قالخدى بيرده تعظيمينه اگيلدى

— چشم قربان!

دئيه — دئيه قاباغيندا بوزولدو

دوشونهرك موراډ چيخدى دالى — دالى سارايدان،

سيزيلدادى چؤلده كولك، دولاشراق بوزمان.

— داها گئتمك!

دئيه موراډ، ئوزون سالىدى باييرا،

*

ياتيشميشدى تمام دونيا، يوخ ايدى همچ سس — سمير

آنجاك كولك اولموش ايدى طبيعته بير اسير.

ياخاسينى قالديرراق موراډ دئدى:

— بيسمىلا!

لاكن شاختا سانماييردى نه خان، نه شاه، نه آلا!ه

ساللانيردى بوز قنديللى بوغلاريندان موراډين،

يوكسلديردى گئده — گئده شاختا كولك بئدادين.

جور به جوره مفكوره لر كئچيرتديسه بير آندا،

— گر ك گئتمك خان بويورور

دئيه دوردو بير ياندا.

شاختا مجال وئرمه ييردى همچ بير فكه ره دور ماڭا،

ناچار موراد:
- گرک گئدم اوشاقلاری ییغماغا
دئییه جومدو چؤلّه، بیردن آياق قويدو قاچماغا .

-۲-

بودور، ايندى گئتمك سارايدان گرک
گلناز داخماسيندا نه واردير گؤرهك.
سارايين آلتيندان بيرقات آشاغى.
سريليبيدير قارا خانليغين باغى.
قار- چووغون هاوادلان شدتله تۇكور،
قوجا آغاجلارى آغليغا بوكور.
باخچادان اوتايا آلچاق داخمالار
گئيمينيپ آخ باشاق، توتقولايب قار
نهسس وار نه صدا، ظلمتدير آنجاق،
گونشدن سحردن يوخدور هئچ سوراق.
قار تۇكور آمانسيز، سانماير هئچ نه
چؤكوز قارا دومان دوزه چيمينه.
آنجاق گاهدان گاها ايتلرين سسى
قالخار كن دينلهير آزان هر كسى.
داها بوردا يوخدور خانليقدان خبر،
گؤرونمور بورادا سارايدان اثر.
داخمالار قوينوندا اوجا بير گونبد
سانجيليپ قارلارا دوروبدور برت - برت.
بير امامزادانين نشانيدير بو،
آچيقدير رعيتيه قوجاغى، قوينو.

دردلى لر گمجه لر بورادا قالير
صدق ايله ياپيشيب مطلبين آلير،
مظلوملار بورايا پناه گتيرير،
جيگرلر داغيدان مين آه گتيرير.
قادينلار نذيرين بورايا وئيرير
سؤزلولر سؤزلرين بورايا دئيرير.
بوتون قهرليلر گليب آغلاير،
اميدسيز كيمسه لر اوميد باغلاير،
خان ايسه بورايا آند - ماند ايچير
زعيتين بوينونو سنبل تك بيچير.

بورانين خددامي موللابيلالدير
اونوندور بورادا هر نه كي واردير.
تاريخيندن آنجاق بيلال آگاهدير،
باشقا كيمسه بيلمك بؤيوك گناهدير

گونبدى گمجه نين باغرينى بيچير
توپا - توپا قارى، چووغونو ايچير.
كولكدن - شاختادان كئچيب چراغى
قاريله آغاريب ياشيل باشاغى.
داخمالار بورويوب دؤرد - دؤره سيني
چن باسيب گيزله يير شن ذروه سيني.
اوزاقدان باخاندا، سانكى بير آنا
بالالارين ييغيب اويان - بويانا

بودور آز اویانا، ایتلر اولاییر،
 بوروشلاردا کولک سسین دولاییر.
 ظلمتده دایوخدور باشقاسس، آنجاق
 هو! وورورساندا، هو! ائشیدیر قولاق،
 یاتیب یئر، یاتیب گؤی، یاتیب طبیعت،
 بورویوبدور کندی آغیر بیر ظلمت.
 آنجاق قار ندنسه یاتیشماق بیلیمیر،
 قارا اوره گینین پاسینی سیلمیر.
 فاغیر-ایو خسولا قان یاش ایچیردیر،
 جانلارا مین کسگین قلینج کئچیردیر..
 قورخورسا، اولکورسه جناب سرواندان
 قهصاصینی آلیر خسته جانلاردان.
 قالانیر، قالانیر، سانماییر هئچ نه
 کیم بیلیر نه اولای؟ بوغازدیر گئجه.
 کیم بیلیر اوچوردا هانکی داخمانی
 کیم بیلیر آغلادا هانکی انسانی؟
 کیم بیلیر باتیرا هانکی اولدوزو
 کیم بیلیر قارالدا هانکی گوندوزو؟
 کیم بیلیر آغاردا هانکی ساچلاری
 کیم بیلیر قارالدا هانکی یاخانی
 کیم بیلیر قوجالدا هانکی قوچلاری؟
 کیم بیلیر جیردیرا هانکی چوخانی؟
 قارلی بیر گئجه دیر، اوره گی ظلمت.
 یارادیر مشقت، یارادیر ذلت.

* * *

ياتيب يثر، ياتيب گۆي، ياتيب طبيعت
بورويوبدور كندى آغير بير ظلمت.
بير آزجا اويانليق ايتلر اولايير،
بوروشلاردا كولك سسى دولايير .
وييلتى سالييرى دار تنگه لره،
دايانميب، چيربينير هاوا دا - يثرده.

بودور، ديب تنگه ده جانسيز بير ايشيق
دئمك اوردا واردير بير نئچه آييق.
بو ظلمت ايچينده اوياق وار دئمك،
فرماندهدن باشقا كيمسه دير گؤره ك.

فيدايى «مختار» ين آروادى گلناز
گئجه نين قوينوندا ائيله بير نياز؟

باغلار سيلكيندى باردان،
دوشمان كام آلدنى باردان.
فولا بير خوش گون سله
بيزده قورتاراق داردان.

اودلان فلک، يان فلک،
قلمين اولسون قان فلک .
كيمينه درد وئريسن،
كيمينه درمان فلک،

-۳-

اوج گونون ایچینده باسیلدی تبریز،
 انسانلیقدان داها قالمامیشدیر ایز.
 بیرچوخ فدایی نی داردان آسمیشلار،
 امام زاده یهده قدم باسمیشلار.
 گلیمیشدی بورایا جناب سروان،
 کندستان اهلینه دئییردی قان! قان!
 فدایی مختاری گولله لمیشدیر
 - آروادی بیزیمدیر! -
 کنده دئمیشدیر.

-۴-

آرخ دیبینده آغ گشینمیش کؤیومتول بیر سرو آغاجی
 قاراقیشاهئچ باخمادان یوکسلمیشدی باشدا تاجی.
 اوره گیتده قورخو، مورادیؤنه لیردی اونا ساری
 آزاد سروین ئونونده او، اوخویوردو آراز باری:

آرخ دیبینده بویلانان سرو،
 عؤمور سوزمه غرور ایله.
 رخصت یوخدور کیمسه بوردا
 بیر یاشاسین سرور ایله.

سن تکی هر گؤزل مخلوق
 قربانلیقدیر بیر هوسه.

بیر هوسدن ئوترو اینان،
سون وئریلیر من نفسه .

شادلیق بوردا حرام اولار
چیچکلنن هر باهارا.
بوردا بولبول سینه سینه
وورورلار مین آجی یادا.

ایسته سنسه آسوده لیک
قاتلان دیزه آرتیق قالخما.
گۆزه للیک قوی نابود اولسون
اوفوقلره بایغین باخما.



مایدانلارین، که هر لرین، بوزلانمیشدی یاللاری،
کولک گۆیده اوینادیردی کیم سیز- یالقیز آغ قاری.
قوش باشیلار دومانلیقدا رقص ائدیردی قالخییان،
آخ توکلر تک سریلیردی قارلار اوسته تازادان.
چیگنینه «بیر بثرنو» آتمیش چاتما قاشلی جوان گلناز،
آغ آتینا مینمیش ایدی.

سورو تلوردو فرماندهین نعشینی قار اوستونده،
دنه -- دنه بوز دونموشدو صورتی نین پوستونده .

ظلمتین اوره گین دئشیردی بثرنو
قیزیل بیر سحر دن وئریردی خبر.

سۇكولور دان يىرى، آچىردى سحر.

سئوگى دونياسىندا مەھبەت جوشسا،
دايانانماز قارشى نە سروان، نە خان!
گۇستەربىب ھەر زامان بو حەقىقتى
دورو گوزگوسوندا قوجامان زامان.

خەنە كەندى، قىش ۱۳۴۶

* * *

کیم ؟

بلکه من آناسیز قالایدیم
گؤزومدن یاشی کیم سیلردی؟
ئویره درد ی ساز - سؤز کیم منه
یو کسلمگیمی کیم دیلردی؟

کیم منه بس ناغیل دئیری
هر سحر قوشمالار قوشاردی؟
آیدین بیر گلجکدن ئوترو
اوخویوب اوخویوب جوشاردی؟

قادا منه قارشى گلنده
کیم «قادان دوشسون ئوز جانیم
آنان ئولسون بالا» دئیردی
قاچا- قاچ گلردی یانیم؟

اوندا کیم هر زمان یاناردی
منیم احوالیم دنیادا؟
منله کیم ایچردی غم اوغون
منله کیم دوشردی اودلارا؟

هوندورقالان لياقتدير!

اولو آتا - بابالارين باشلارينا نلر گلמים
کیملر وارمیش، کیملر یوخموش، کیملر قالمیش، کیملر ئولموش؟
دره لردن تپه لردن چایلار، سئلر نئچه آخمیش
اسکی انسان طبیعت، یاشاییشا نئچه باخمیش؟
گلن باهار، ئوتن پائیز نه ارمغان گتیرمیشدیر
کئچن زمان انسان بوردا نئچه عؤمور بیتیرمیشدیر؟
یاشاییشین گر گیدیر تانیماق کئچمیشی بیزه
تازا نسیل باخا گرک اولو بابا گئدن ایزه.
کئچمیش ئولتموش حادثه لر گلجله بیر عبرتدیر،
انسان ئولر گئدهر، آنجاق هوندور قالان لياقتدیر!

اعتناسیز باش آشاغی سالیب بوردا زمان؟ زمان،
خبر سیز هر اولاییشدان دولانما ای مفرور انسان!
بو دوزلره چوخ داهیلر سندن قاباق با سیب آباق،
بوداغلارین ئولنلرینده قایناییدیرمین جور بولاق.

سندن قاباق چوخ سورونوب بوردا چایلار داغ آشاغی،
خیلی واخلار دومان دوتوب یثری، گویو، داغی، داشی.

*

میلیانلار ایل بوندان قاباق طبیعتین سون نغمه سی،
انسان اوغلو، یارانیمان سالدی یثره، گۆیه سسی.
بیتمز زمان دولاناراق مکانلاردا چئوریلمه دی
اسگی انسان گلیمیش یثرین تانیما دی هئج بیلمه دی.
گاه دئدی کی گۆیده، آخان او آی منی یارادیبیدیر.
گاه ایناندی اونو بیر گون قیزیل گونش او یادیبیدیر.
گاه یارادان ایچون گلیب مس قیزیلدن هیکل قوردو
گاهدا گۆزه گۆرونمز بیر آلاله ئوترو بوینون بوردو.

*

انسان عاغلین ایشه سالیب مینلر تانری یاراتدیسا
تانریلار سا آشلارینا سویوق - سویوق سو قاتدیسا،
ظلمت چؤکوب انسانلیغین یوواسینی بورودوسه
مخلوق تانری، خالقلرین تورپاق اوسته سوردوسه،
یثنه زمان چئوریلمه دن یورلمادان هی دولاندی،
آی کئچدیکجه، ایل ئوتدو کجه،
آج تانریلار بیر- بیر اوسته چوخ قالاندی.
انسان دوشدو تانریلارین جنتینه یانا - یانا.
یاراتدیغی دستانلاری آجی ناغیل اولدو اونا.

بعضن انسان ترپنره ک بویلانیردی ظلمتلرده
اونون کسگین چاغریشبله یازیلیری مینلر پرده.

چاغبیریدی انسانلاری قارداشلیغا، محبته،
 اوسون قویماق ایسته بیردی آلدانیشا، شقاوته.
 حق یولاندا مبارزه وورغونلاری سارسیلعمادان
 تیمکانلارا، اوچروملارا، مانعلره هتچ باخمادان،
 یاشاییشین دئولریله ووروشماغا باشلا بیردی،
 عفریتلری، پادشاهلاری، اوخلاییردی، داشلا بیردی.
 یوکسلدیردی ماوی گؤیه آلینده کی مشعل لری،
 باخمادان کی کسینه جک ظلمت آلله آللری.

*

بو انسانلیق عالمی نین بزه کلری اولانلاردان
 گلجگه قالیب خیلی عظمتلی شانلی داستان.

کشمیش ئوتموش حادثه لر گلجگه بیر عبرتدیر،
 سن ئولرسن بوردا آنجاق هوندور قالان لیاقتدیر.

تبریز ۱۲/۱/۴۶

خیام!

او خویار کن سنی آنا دلیلمده ،
دیله میشدیم قبرین کؤرمگی، خیام!
یاشاسین انسانا قایغی، صداقت
سن کیمی داهی نین دیلگی، خیام!
آچاراق خلقیوه حیات سیررینی،
ظلمکار شاهلارا قارشی دایان دین.
خرابات ایچره بیر پیاله سئچدین
سارایدان آیریلدین، یاندین، اودلان دین.
شریعت قالمادی هئچده قایغیوا
سارایلار یانمادی سنین حالینا
کمالات کسب ائتمیش، لاکین «فضولیم»
سیر ائتدیکجه سنین او کمالینا
سنین غمین-دردین، اولو کدرین.
أوره ک دؤیونتونده بیزیمکی خیام.
بیلیر سنمی منیم «کشوری» لریم
اضطرابلاریندان آلمیشدیر الهام،
دوغرو دئمیشلر قبرین کؤنو للرده دیر.
خیاملار یئرلرده یاتاسی دگیل.
أوره کلر مولکونده یاشاییرسان سن،
آذربایجان سنی آتاسی دگیل.

نیشابور، خیامین مزاری

فروردین ۱۳۴۷

آغ یئل

طبیعتی جانلالت چیچک لر یله،
باهار بایرامیدیر باشلا اُس آغ یئل.
بیر یاندا قالخیبدیر قیزیل لالر
سن اُس میرسن بوردا نیمه بس آغ یئل.

یوردومدان گئتمه بیر سست لو گو قیشین
قاباغا آپاریر ظلت ئوزایشین
اولما باتماییر بو ظالمه دیشین
وئر بو ئولموش یثره بیر نفس آغ یئل

ساجماییر گونشی دای طبیعتین
فرمانی ئوتگون دور قارا ظلمتین
دوشنده یادیما سنین قدرتین
اویانیر کؤنلومده مین هوس آغ یئل

محببتدن یوخدور بوردا هئچ نه ایز
یالتاقلار- ظالمار اولورلار عزیز
قالمیشام وطنده یالقیز کیمسه سیز
سن منیم سسیمه وئر بیر سس آغ یئل

گل باشلا ووروشو چیرکین ظلمتله
 چاغیر انسانلاری صاف محبتله
 ایستی آسیب، یثری قوروت حدتله
 قاراقیش اؤرکنین دیدن کس آغ یئل.

»

کور یو خودان اویالت یازیق ساروانی
 ایزله سین ده وه لر قوی بیابانی
 پشوازا چاغیر سین مینلر انسانی
 سسلننده کارواندا جرس آغ یئل.

خشبلی واختدیر آجی مٹحله اسیبیدیر.
 آغیر- آغیر شپه یوردو باسیبیدیر،
 سٹو گیلیمین یولون پالچیق کسیدیر،
 دوزگونون خطرینه گل بیر اُس آغ یئل.

۴۶ / ۲ / ۱۶ - مهرا۲

عصيان

كۆكسۈمدە چىرىپىنان توفانلى ئۈرەك،
يىنى سىمىخى، يىنى غىرىت اىستەيىر.
يىنى درد، يىنى سۆز، يىنى حادثە
يىنى آلله، يىنى ظلمت اىستەيىر

*

قولاغىم تشنەدىر يىنى سۆزلەر،
بولانلىق سولاردان قولى نىجات تاپىم.
بوراخ وورسون دىنىز يىنى دالغالار،
قولى يىنى كۆپۈكلەر آغزىملا قاپىم.

*

داھا قول قويما رام اسگى دىلەر
تازەلىك آجىدىر وجودوم بوتون.
اىستىرم بو ماوى ياشىل سمايا؛
أملىملە وورام يىنى بىر سىتون.

*

يوخسا قايتارمىنى آن اوزاق يىرە
اسگى انسانلار دىن چىلپاق دورونە.
اورداكى نە ياخشى نە پىس يوخ ايدى،
قايدىم قولى داغى مىن يىنە - يىنە!

لقاح

باغچا ایچره قوپوب ترپندی بیرئیل،
ایلیبه دی شادیانا مینلر گول سونبول.
باغچانی اوخشادی یئل شیرین - شیرین
اگلنه ییب ئوپدولر گوللر بیر- بیرین.
یئل قالخیب یئنه رهك سالدی سس- صدا
لذت احوالاتی قوپدوباخچادا.
لذتله کاملاشماق واختی یئتیشیدی
انتظار آیلاری داها بیتیشدی.
اثر کک گول اوستوندن قوپدو توخوملار
دیشینین ایچینده قالاندی بار- بار.
قالخدی مینلر توخوم بیر اثر کک گولدن
اویاندا - بویاندا اوینادی یئلدن.
دسته ایله دیشی باغدان ئوتوشدو،
یوسما گوللریله خئیلی ئوپوشدو.
سئو دیکجه کام آلیب کام باغیشلادی
بوردان اورا - اوردان بورا اوینادی.

ياشا، ستارخان!

سندە جانلانمىشدىر منىم آمالىم،
قارا داغلى گۈزل ايگىد قەرمان.
قانادلاندى يەنە ترلان خيالىم
بودور، قوشدوم سىنىن شائىنە داستان.
تزارى - قاجارى سانجىردى سۈزون،
غىزىلە دولوردو ھرايىكى گۈزون.
ظلمو - ايشىكنىجەنى گۇرموشدون ئوزون،
ايرەلى گەيدىردىن ھىچ دايمانمادان.
اىللارلە بىرلىككە قىاما قالخىدىن،
آرزولار گۇيوندە اولدوز تىك آخىدىن.
شاھلارلار كۆكسۈنە سۈنگۈدە تاخىدىن
سىندىن نور آلىردى ئۈلگە مىز ايران.
سىسيوھسەس وئردى آذر اىللارلى
داليا آتيردى قارا ايللىرى.
كەندىلى نىن فەلەننىن پولاد اىللارلى
يارادماق اىستىردى يىنى بىر دوران،

سورولدون تهرانا چيراقلار سۇندو،
رضاخان دیرچلدى، قاجارلار يئندى
گون ئوتدو، ايل كئچدى، زمانا دۇندو،
قيرغىنلارا دوشدو آذربايجان.

* * *

محمدرضاخان سانكى داوا ولدو
آبالارى آغلار قويدو ساوولدو.
بیرگونده ايراندان ايت تك قاوولدو
«شاه گمتدى» بايرامى قالخدى بورادان
قوروب جمهوريت ايندى بو ائللر،
كسيلمه ييب آنجاق حله سام يئلر،
يئنه گؤزله نيلير او داشغين سئلر،
آخين - آخين آخسين دنيز تك انسان.
ايشچيله - اكينچى بايرام ائيله سين،
هر آغيز هر دوداق نغمه سؤيله سين..
قيزيل بايراق آلتدا ائل بئله دئسين:
دؤنه - دؤنه سنه: «ياشا، ستارخان!»

مرداد ۱۳۵۸

ئو نومە چىخ گىلن!

يئنى داشلامانى منىم داليمجا
آجى - آجى بوردا ائشيتديم، حريف!
غم ايله يوغرولموش منىم خميره،
بونو بيلمە بىرسن، صدا فسوس، حيف!

*

ائشيتديم بىر يازىق شبېره كىمى،
گونشېن اوستونه هجوم ائدىرسن،
منه آنلاتدىلار چاشىب جايىبسان،
يئنه اگرى - اوگرى بىر يول گئدىرسن.

*

منىم پاك آدىمى لكه له مكده
تشبث ائدىرسن، ظفر چالمىرسان.
«بىر شېهه سالارام خلق ايچره» دئيه،
رنگك به رنگك تهمت لر منه وورورسان.

*

سن گونشی گۆیده دانیرسان بئله،
چالاغان باخیشیم گۆزونو دیدیب.
آیلاردیر دالیمجا هی وورنوخورسان،
بلکه اعتباریم سنی کور ائدیب؟

*

سن شاعر دگیلسن، هئچده بیلیمیرسن،
قوزغونلارا شاعر خدمتچی اولماز.
شفقلری سؤکن ترلان قانادلار،
سارین یوواسیندا بو کولوب قالماز.

*

منیم آياغیما قیریاچ دؤینده،
سؤیله گؤرم حریف هاردایدین بس سن؟
دوشمان منی سیخیب «یازما!» دئینده
دوشونوردونمو هئچ نه اولور وطن؟

*

چکدیگیم عذابلار، ایشکنجه لردن
نییه هو یوخورسان من دانیشاندا،
ایگرنج حیاتینین چیرکین اوزونو
سیلمک می ایستیرسن منه خاندا؟

*

سنه، باخ اوره کدن من آجییرام،
داریسقال فیکرینه یازیقار اولسون!
ازلدن ائلیمین قانلی سیسان سن
یئنی پیسلیگینده یادیندا قالسین!

*

بودور سیرا ئىدىرم زمان آخىنىن،
سنى بوغا جاقدير قادر اللرىم.
اى يىنى نوكرى امپريالىزمىن
ماسقانى يىرتا جاق شانلى ائللرىم.

*

منىم اللرىملە ھا يالواراسان :
يووا بىلمە زىن سىن چىركىن اوزونو
منىم اعتبارىم، منىم شىرتىم،
گىرى قايتاراجاق يانلىش سۆزونو.

*

يانىب قاورولورسان، قىورىلىرسان سىن،
كۆنوللر مولكونو شىرىم آلاندا.
سنى دىدىم - دىدىم من ئولدورموشم
ھەر زمان قلمىم ظفر چالاندا.

*

بىلىرم گۆزونىدە تىكان تىك دورور
يىنى «آزادلىغىم» يىنى «يولداشىم»
صاباح اورە گىنى پارچالا ياجاق
آغزىندان اود ساچان ھەر وطنداشىم.

*

شىرىمىن بايراغى سنى ياخاجاق،
گۆر ونمىە جىكدىر كولونىدە بىلە.
ايستە دىكجە بانلا، كىم قولاق وئره:
يىل ابلە گلن سۆز، وئرىلىر يىلە.

سنه چوخ يازيقلار، حيفلر اولسون،
منى آلچالتماقلا اوچالميرسان هئىچ!
هرآن ظفر چالان، غلبه چالان
دهامين ئونونده داي قالميرسان هئىچ!

*

دردىمى سؤزمو بلکه دوياردىن،
وطن سيز وطنده شاعر اولسايدىن
گووه نردىن زولال تک کئچميشينه
حياتدا انسان تک سنده قالسايدىن.

*

ئونومه چىخ گيلن قاچما ميداندان،
أوزومدن اوتانان نامرد حريفسن.
دوزگونون حياتى لکه بيلمزدير،
واختىنى جهت سيز تلف ائديرسن.

استانبول ۸ نيسان ۱۹۸۰

فارس قیزی

آخیجی لهجه لی گۆزل فارس قیزی،
دینله گۆر نئجه خوش صدالیا م.
زرتشتون یوردونون اودلو چیچگی،
طبیعتین پارلاق جمالیا م.

سنیندیر اوره گیم، سنیندیر جانیم،
ازلدن سنینله قایناییب قانیم.
سنین دوستلوغوندور عزتیم شانیم،
منه التفات ائت، وفالیا م.

یولونا تیکمیشم وورغون گۆزومو!
سنه قربان وئرهم اینان ئوزومو؟
محبت آختارسان، ایزله سۆزومو،
دوستلوغون باشلیجا مقالیا م.

شیرین - اینجه دیللی گۆزل فارس قیزی!
دیلیمده سۆز واردیر، کۆنلومده سیزی.

سئوگی یوردونون بیر پارلاق اولدوزو
محبتین عشقی کمالیام من.

بیلیر سنمی کیمم؟ کوراوغلو دؤلر
دوداغی سؤز آجی، اوره گی دولر،
محبت باغی نین دردلی بولبولر،
سئوگی دونیاسی نین هلالیام من.

اثلیمه دئیر لر آذری ائلی
دیلیمه ایسه آذربایجان دلی.
مبارز ائللرین آرخاسی بئلی،
تاریخین شوکت و جلالیام من.

هر آخشام واراندا لاله لی دوزه،
سنی دیله ییرم من گزه - گزه.
محبتلی آل له قوناق گل ییزه،
نه واحدیر سنینله آرایلام من.

عاشیقیم او سوزگون آلا گؤزونه،
کؤنلومو اوخشایان دوزلو سؤزونه.
باشقا بیر کسله یوخ، دئییم ئوزونه،
منه ظلم ائیلمه یارالیام من.

اوددور بوردا بوتون آخیش، دوز، چیمین،
سٹویر سنسہ منی بیر کره دیللن.
نییه گیزله یورسن سیرر سؤزون مندن
أوره گیمندن سننن کی حالیم من!

دوز گون گلیب سننن جفاندان دیله
دئییر سن تکی بیر عشوه لی گوله:
حقار تله نییه باخیرسان بئله
دردلیلرین غمی- ملالیام من.

تبریز - ۱۳۴۶

آجى جىڭگ

بو آجى جىڭگ نىدىر؟
كىمدى سوخولموش وطنه؟
كىم ايدين وئردى گيره خصم بودشت و دمنه؟
سن، ئوزون بير وطن اوغلو ساناراق
هشچده آلدين مى ئونون بۇيله تجاوزكارين؟
خىردالا سۆزلىرىنى، ھرنه وارين سۆيله منە!

بختيار ايندى پارسىدە سنى آلقىشلا ياراق
عملين خاطر يەنە دە يەقە دە چىمدىك چالاراق
مۇدە اربابلارينا گۇندە رەرك پاداش آلير.
سنى گوندن گونە ايراندا اويونچاق كىمى فيرالا نىدىر اراق،
مىلتين عشقىنە آمالينا خور باخماق ايچون
ميدانا سالىر.

ئونونە ھر گلنى ئولدوروسن وجدان سىز

پارتلادیرسان بیزه بومبا، آمریکا باغیریر.
ساواکی - شاهچی بوتون ضد بشر عنصرلر
میدانا آتدی سنی بوغماغافریادیمیزی
قایناییر قانیمیز ایندی سنه لعنت یاغیریر.

ماسکاووردون اوزونه، اُلده اسارت ایپینی
لیبرالار اَلی ایله سالاسان بوینوموزا.
اودلادین ائولری بومبایلا حیا سیز جاسینا،
ئویله دهشتلی کی یاندیردی اودون قلیمیمیزی
آدینی قویما بشر سن؛ سنه یوخ استخلاص

انقلاب ائيله میشیک، تاج کیان قاوزامیشیق،
ایره لی یو کسلیریک بیز ایری آدیملار ایله.
بوپولاد عزیمیزین کیسه دایاندیرماغینی -
باجارانماز داها، سن

کیمدی کی گؤستر منه او؟
سنه وعده یله ریاست وئره جکمی ریگان؟
سن اصیل اوغلو دگیلسن وطنین، ای شیطان!

جورج بال سن کیمی بیر خاینی تشویق ائده رک
سئوینیر ایرانا بیرده قاییدا استبداد
نه «ضرورت» تانییرسان، نه «گذشته» نه ده «حال»
نه «سیاست» نه ده کی «مرحله» نه «استقبال»
سن کیمی ناخلف ائولادین آلیندن فریادا!

باخ گؤزل یوردوموز ئوترو یئره دوشموش پاسدار

انقلاب اوغلودور او، قانميا جاقسان بونوسن.
ئويله خودخواه بشرسن كى سنه يوخدو وطن.
سس سسه وئرسن اگر مين آمه ريگالى ايله
يشنه ده انقلابين ئوز طريقي، ئوز يولووار،
گئده جكدير ايره لى، دوتميا جاكدير كى قرار...

رهبريت سنى آلداتميش، ئويونمه ئوزونه!
رد اول، ايت، گئت، داها بسدير كى!
يئتر بو نجا خيانت پيشه!
اوتان ايندى، بئله قارشيمدا دايانما، دورما،
بوينونا تاخما مبارزلرين آرمين، آزغين!
انقلابين تملى گوردو آليندن تيشه.

قارپيزا ايشله ين اول بئينينى ساتدين بگينه
بومبا وئردى آلينه قان سوروجو اسرائيل.
سقفين آلتيندا قاليب ئولدولر يوزلر انسان
نه نبوغ اهلى ايميش سن! ئولو قالخير يئردن
ايشى ساھمانلادى بير لحظه ده ده عزرائيل.

سن ائشيتمك باجارا بيلمز ايدين
طينتتين پيس ايدى،
هئچ دينلهمه دين انقلابين نغمه سيني.
آمه ريگانى يميخان گور سيني.
فيرتينا قالدير اراق قانا بويادين وطنى
مائوئستلر سنه «به! به!» دئديلر، «جان!» دئديلر.

ناخلف اوغلون اولوبدور»

آنا یا

—یان!

دئدیلم.

ائله ظن ائتمه کی بومبایلا بیزی تولدورسن،

دا قیامت قوپاچاق

گوللر سولاجاق

گونش لر باتاجاق

انقلابین آغاجی

بار گتیرمز اولاجاق!

بیل کی شاهلار شاهی نین درگاهی اود پوسگورموش

ستونو سینمیش الی الاخره استثمارین.

بورا ایران دئییلیر

قهرمانلار وطنی!

گوژون آج، یاخشيجا باخ،

یاخشيجا دینله منی:

آذریلر قورو یوبدور ابدی آتشی نی،

داها بو تولکاهی ده دؤنمز یئنه ده استعمار...

حق دئییب، حق ائشیدیب، حق یازارام،

دوزگونم، بیل، تانی سن!

آغ دوناتئز دوشه جکدیر لکه، البته کی من

سنه احسن دئرمم بؤیله جنایتلر ایچون.

۱۳۶۰/۶/۱۳

يالاڭ گۇ تورمىز

طبيعىتىن گۈزەل زىننىتى شاعر،
ازىلمىش كۈتلىەن سەن دىلگى سەن.
مظلۇم انسانلار سەن كىسكىن بىردىلى
ايشىق ئۆرەكلەرنى سەن چىچىگى سەن.

*

ظلم تاپداغى نىن غەملى آھى نىن
تۆرەين بارىسان، اونلاردان دانىش.
سەن جەمىيەتنى بىر گۆرەڭگۈزۈك
تارىخىن بىزەڭكى انساندان دانىش.

*

سەن شاھبەنۇندا، شاھىندا ئىلدىر
زىنگىنلەر گەدىب بوش بىعار اولما.
سەن كۈنۈل مۈلكۈنۈن شەھىرىسان
شاھىن ئىگىندە «شەھىر» اولما.

*

گل دگیشمه شعرین معناسینی سن،
دوزگون شاعرلرین آدین باتیرما.

✱

نییه بس ایشیقدان قوردتك قاچیرسان،
سارایلارا نندن «شفق» ساچیرسان؟

✱

تاریخ بیل بوراخماز باشین هرزمان،
دوتاجاق بوینونو داها ئوتورمز،
زمانین گوزگوسو یالان گؤتورمز.

۴۶/۱/۱ تبریز

اٹل قوشمالاری اساسیندا

بولود آغلار یاغیشلار،
یثره یاغیش باغیشلار.
یاغیش یثره دانالار،
یثر جانینا قان آلار.
قانون رنگی قیرمیزی،
من سئو میشم بیر قیزی.
یاناقلاری آلمانک،
گؤزلری پیالا تک.
منله سئویب — سئویشدی،
کوسوب یئنه باریشدی،
گؤردوم اونو باخچادا،
گول ییغیردی بوخچادا،
بوخچا گولو سولارمیش،
درد جانیمدا دولارمیش،
رنگیمی درد ساراتدی

گونلریمی قاراتدی.
 گونلریم گونشلییدی،
 اوره گیم آتشیلیدی.
 گونش باتدی دنیادا،
 آتش سوندو داخمادا.
 اوچقون داخمام قارالیدی،
 قیز منی عشقه سالدی.
 عشق یامان اولارمیش.
 عشقه دوشن سولارمیش.
 عاشق اولدوم باهارا،
 کؤنلومو باسادی یارا.
 یارا، هجران یاراسی
 تاپیلماز میش چاراسی.
 قوشلاریله ئوتوشدوم
 چاراسینی سوروشدوم.
 قوشلار دئدی «ای عاشق!
 گئت عشقینده، اول صادق!
 دردین سؤزون یارداندير،
 یار اولماسا هارداندير؟»

۱۳۴۶

ناغیل

ناغیل گمنیش کوتله میزین آجی سیدیر، شربتی دیر،
ناغیل خلقین یاد ئونونده غضبى دیر، حدتی دیر.
ناغیل ائلین، امکچی نین، زحمتکشی نین اوره گیدیر،
اوبالارین آرزو سودور، امیدى دیر، ایستگى دیر.

من ایللر دیر ئوز خلقیمین ناغیلارین توبلا بیرام،
آجی سینی شربتی نى ناغیلاردا آراییرام.
گؤزل باهار چاغلاریمی بو یوللاردا قویلا میشام،
قولو پولاد اوغوللاری ناغیلارلا هایلامیشام.
من آخمیشام کندلیلرین ایشچیلرین سینه سینه،
سؤز وئرمیشم اوردا آخان ائٹلی چایین گور سسینه.

قیش ۱۳۴۶

دوزلر

مین دیل ایله کئچمیش لردن
ای وئرن مین خبر، دوزلر!
منه دئیین دونیا بویو
نلر گؤردوز، نلر دوزلر؟

*

دای اوره گیم اولوب شان - شان
دونیا دؤنوب، سانکی زندان
دویموشام من یاشاییشان
حیاتدا یوخ ئمر دوزلر.

*

ظالم قالیر ئوز تاختیندا
خلقین آچمیر گول باختیندا
حیاتین آن خوش واختیندا.
بوردا ئولور هنر دوزلر.

*

قوجاغیزی آچین یارا
گلن واردیر باختی قارا
اعتبار یوخ دونیالارا
عؤمورده یوخ به هر دوزلر.

گزديم

عمرومون ايلك باهاريندا،
چيخديم گوللو باغي گزديم
تاپانماديم سئو گيليمي،
سولو گزديم - ساغي گزديم.

*

حياتيما بولبول ئوترو
عشوه ساتان بير گول ئوترو
وطنيم ئوترو، ائل توترو
شاد شاد اولدوم ساقى گزديم.

*

غمه وئرمك آرا ايچون
درتلىر يمه چارا ايچون
بير اوره گي يارا ايچون
مين درهني - داغي گزديم

*

اولدوم دوشماني ظلمتين،
بير وورغونو طبيعتين

باخچاسینی مجتین،
عمرومون خوش چاغی گزدیم

*

سئیر ائدنده ایلک باهاری
گؤرجک ایتردیم شوخ یاری،
دوزگون دئییر بیر گول ساری
باشدان باشا باغی گزدیم.

۲۶/۲/۱۲۰

بایاتی

عزیزیهم غریبم
درده - غمه نصیبم
داغلار - داشلار آغلایین
وطنیمده غریبم.

*

یار ترک ائدیب یانیمی
درد سوموروب قانیمی
ظلمکارین فرمانی
اودا یاخیب جانیمی

*

نازلی قوشوم اوچو بدور
جانیمی غم بیچیبدیر
حسرت اوغون اوره گیم،
ایسته دیکجه ایچیبدیر.

*

سئلمه ده ییب بئلیمه
ظلمت چؤ کوب ائلیمه
احوالیما آغلایین
حسرت قالدیم دیلیمه.

ياشارىم منىم

اوميدلر يىغناغى، آرزو بۇشىگى،
خوش گلدن دونيا ياشارىم منىم.
وطنين بو آغىر قانلى آيندا
چاتارسانىمى هايا ياشارىم منىم؟

*

قوى بوتون آنالار اوغول دوغاندا
اوميدلرله دولو «ياشار» سۇيله سين.
قهرمان اوغلونو اونودماز وطن،
گلجك سنىدىر آياشار، سنىن.

*

گلجكله منىم اوزون ايللردىر
وار يمدىر بير قىزىل عهد و پىمانىم.
قانىملا يازمىشام كۇنلوم اوجوندا
نىمىسگىلىم، آمانىم، كۇنلوم، ايمانىم.

*

من ئولرسمده، سن آياق باس گىلن
قانلى قىزىل آياق كۇزل تىرىزه،
قارىش به قارىش كز، دولان وطنى

گل سنده عاشیق اول ازل تبریزه.

*

قوی قابارلی آللر، پولاد بیلکالر
سنی سلاملا سین «عشق اولسون! دئییه.
تانکیوین آلتیندا ازیلسین شاهلار
تاریخین ئونونده باش اییه - اییه.

*

ای منیم فیدایی آرزولو اوغلو
سنده اوختایلارین عنادین گؤروم.
آتان کور یاشاییب، کوراوغلو بالام
یاشاسین ایللرله بو آدین گؤروم.

*

سنین نسلین اوغلو، گؤزون آچاندا
درسده اوخویاجاق آنا دیلینده،
آل بایراق ارکده ده هاوالاناندا
سیتم قالما یاجاق وطن ائلینده.

*

نیسگیللی اوره کلر آرزوسو اوغوم
منیم شعریم، منیم کؤنلوم دادیسان.
بوگونش، بوهاوا، بویشر سنیندیر
آتاوین آناوین سن مورادیسان.

تهران، ۱۶ آذر ۱۳۵۶

اوغول

آنام منى اللريله
«قىزىل سو» يا وئللە يىبدير.
- بورا اولسون وطن.
دئيب.

*

ئوز گوموشو تئللريله
ياى واختيندا يئلله يىبدير،
أوره كيمى ساكيت ائديب.

*

قىزمار اودلا بشيگيمده لاىلا دئيب نغمه قوشوب،
آليب منى قوجاغينا، دنيز كيمى داشيب جوشوب.

*

من آنامين آغير - آغير
گونلرينى قارالتميشام،
كؤزله ديگى قوچ اولموشام.

*

آغ باش آنا اولما فاغير،
خلقيم ايچون جان آتميشام،
سانما هله يورولموشام.

*

من يئنيدين قايتارارام سنين باهار ياشلاريني
قويمارام كى دويون وورسون بيرده چاوما قاشلاريني.

*

قيرميز رنگله، ازل گوندن
قيريلمايان اولفتيم وار،
اودور ايندى اودلوگونم.

*

دانشمايين محبتدن
نامرد يادا نفرتيم وار،
حاقليام كي من ئويونم.

*

الريمده گؤيه قالخان خيردا - خيردا بو مشعللر
امپرياليز مين باغرينا سؤكه - سؤكه ائدهر سفر.

*

دئينه يادا آگاه اولسون،
أوره گيمدن قالخان آتش
آغجا كؤله دؤنميه جك

*

قولاغينا دئينه آلسين.
بوردا اولان پارلاق گونش
سؤنميه جك، سؤنميه جك.

*

دونون ييغيب كئده چكدير اوديوردوندان چيركين ظلمت
ائلر اونا بسليه جك هميشه ليك درين نفرت...

اوچغون داخما

تاریخین اییلنمیش صحیفه سینده
اسیریک آی آمان.
شیطان تورو تکی یان - یؤره میزی
بورویو بدور دومان.

* -

أرییر اوشاقلار بیر پارچا بوزتک
گل بیرجه دایان.
گولونج ائیله بیرلر ایستگیمیزی
آتش آج! اویان!

*

چک باشیوا ائلین قیزیل مئینیی
آلدانما تاتلارا
اونودما وئرانا اوچغون داخماوی
قوشولما یادلارا.

*

اوغورلار،
دور فیشقیرت أمجکلرینی
یاد یوردا سرپله تمیز سودونو،
بیستین اوردایینه اودلو چیچکلر....

مهر آیی ۱۳۴۶

اویاغی

آقوجامان باغوان هارا یاتیبسان
گوللرین ایچیندن دور یول آلاغی.
سایاق اول، زههرلی یاغیش اسیبیدیر،
محض ائدهر ایندیجه بوستانی - باغی.

*

آییل، قیزیل گوللر بیر- بیر سولوبدور،
بوتالارا آجی تیکان دولوبدور.
ایستگیم، دیلگیم باخکی اولوبدور
گؤزل اگلنجهسی، یادلار اویناغی.

*

دوزلو گو قویدولار نئجه ساتینا
قاتلادیلار عشقی مین بیر قاتینا
قول قویماز یادلارین تبلیغاتینا
ایگیدین بیلگینی، دوزو، سایاغی.

*

ظلمون حدتیندن زاغ - زاغ اُسر
دورمارام، ظالیمی گئری باسارام.
گئجه لر کندلره قوربان کسرم
اگر ایچلرینده اولسا اویاغی...

اصلاحات!

بیرگون شاهلار شاهى شهره جارلادی:
«حؤ کوموزله بوتون خان - بیگلر ئولور.»
بیلیندیردی بیلیمیر بومثلی کی:
یوغون اینجه لینجه اینجه اوزولور.

آترقی پرور یوکسک یارانمیش!
فاغیرا - یوخسولا وئردیگین ندیر?
خانی - اربابلاری چکدین تهران،
اکینچی یه تاخدین باشقا بیر امیر.

سؤیله دی ایشچی یه، کندلی یه، خلقه:
«- آنجاق تکجه منله ایشله ملی سیز.
آقا بیر اولاجاق، آلاهیوزدا بیر
فئوداللیقدان دای قالما یا جاق ایز.

گؤیلرده آلاها، یئرده ده منه
گونده بیر نئچه واخت باش آگه جکسیر.

قولدورلار يمينلا حۇ كملر يله
يثرلى - يثر سيز منى ھى ئويە جكسيز.

آلاھين كۇلگە سى، مولانين آلى
عاغىللى صاحبكار، شانلى بير شاھام!
نژاديم يوكسكدير، گۇيدە گونشم،
من كى دارندەى شوكت و جاھام!

يوغونو اينجلتدين، گتيردين ديزه
«نيكسون چين» ائيلەدين گۇزل اصلاحات!
اما چوخ گووہنمە، ائليم دوز دئسە،
سنە گۇستره رەم آشرغلى تات!...

آبان آيى ۱۳۴۷

كندلى قىز

لاغ ائديرلر سنه «تمدنلر»
دوشويسن گۆزلردن ازل كندلى قىز.
«او آنجاق لايىقدىر ياپما ياپماغا»
بودور سن ايچون سوز، گۆزل كندلى قىز!

ساتيشا قويمورلار بو كور بازاردا
سنىن بار - بههرين، سنىن امگين.
بيلميرم بو پوزغون وئرا نا باغدا
گوله جكمى هاچان سارى چيچگين؟

آناوين قوينوندا گول تك آچىلجاق،
آلنىندا يازىلير قارا يازىلار
بوى آتديقجا آرتيق، گونون قازالير
خزانا. وارير سان گورمه مېش باهار.

كىچىك ايكن، سوددن يانقى قالير سان
سونراسا ياتيردير پيه ده آنان.
شيونه قالخير سان واراندا درتلر،
تاپيلمير دونيادا سنه بير يانان.

بوی آتجاق آنان تڭ عادت ائديرسن
زاواللى قالماغا، يازىق اولماغا.
گنجليگين چيچىگى دوغاندا سنده،
گولمه مېش باشلايىر غنچه سولماغا.

سنىله ياشايان فاغير انسانلار
حياتين سىررىنى آچمىرلار سنه.
بويلانىپ قالخير سان چيچىكلرىله
ساتىلىر سان آي قىز پوللو كيممه يه .

سحر هيسلى دامدا توستو ايچينده
تنديرده پاپىر سان گوللو چۆره كلر.
توتغون گۆزلريندن ياش آخيداندا
سینه لرده نئجه تىترىر اوره كلر.

سونرا آخشاما دك ايلمه چالير سان
هم آلين هم خلى، قىزىل بويانىر.
سىزىر بازماغىندان قان دامالارى
سالديغين ناخيشدا چيچىكلر قانىر.

بىر مدت دونيادا عؤمور سورورسن
قوينوندا آچىلىر نئجه غنچه جيگ.
بىسله نىرلر، نئجه سن بىسله نىيسن

اونلارا يئنه ده « كندلى » دئيريك.

بودور ارمغانى، بودور سوقاتى
سنه بو مقدس پادشاهليغين
زنجيرلر قيريلير يئر اوزه رينده
آي گؤزل، فيكر ائله، بير دوشون درين.

آفريقانين قارا دوزلو قيزلارى
آتشلر آچيرلار «هايلاسلاسى» يه
بايراغين قالديريپ ايگيرمينجى عصر،
سنه من نه ايچون يازيم مرثيه؟

آذرى گؤزلى، يوروشه هره!
دايانما، بو قدر صبرائتدين، بستى،
چاتيشاق تئز ليكله بير - بير يميزه،
گل قاچيرداق بوردان امير ياليسى.

تهران ۱۳۵۵

قایتارارام

اومید باغلامیشام ایللردیر سنه
گلیشینی نئجه گؤزله بیرم من.
بولودلار آخیرلار ماوی سمادا
لطیف بیر یاغیشی ایزله بیرم من.

ایللردیر اوزونه حسرت قالمیشام
ها قینایا یادلار اینان دؤنرم
قورخمارام شیمشکدن، فیرتینالاردان
من پارلاق گونشم، هیچ واخت سؤنرم،

آتلائیب دالینجا هایغیراجاغام
ئوتجگم بوتون دره نی - داغی.
سنی قایتارارام ئوز وطنیه
بو یوردو اودانماز هیچ زامان یاغی.

فخریه

اوستاد حبیب ساهره منظوم مکتوبدان

شعریمین اینجی سین من دوزه جگم
باغیشلا اوستادیم، شاعرم منده.
خلقیمین ایشچی سی، سیلاحچی سیام،
ساخانیر اوره گیم بو گول وطنده.

دایقلار آخمیشام خلق آخینینا،
ازل گوندن اوردان الهام آلمیشام.
گزمیشم داغلارین آذربایجانین
ساعاتلار بو یثرده فیکره دالمیشام.

سرین بولاقلاردان خیلی ایچمیشم
اوبالاردا قوناق اولموشام، آی چوخ!
گنجلیگیم بورادا گوللنیب، دئینه،
کؤنلومده ذره جه منیم قورخو یوخ!

منیم هوندور آتیم بودره میه جک
آشاجاق تپه نی، دره نی، داغی،
ابدا کی قارشی دورانمیا جاق
مصری قلینجیما آزغین گۆز یاغی:

بیرألدہ آل بایراق، بیرألدہ شعریم،
چاپاجاغام آتی ان اوجالارا.
آسیا خلقلرین قورتاراجاغام
گئده جگم داها بیلیمیرم هارا.

پولاد قوللاریملا قایتاراجاغام
یئنیدن آنامین باهار یاشلارین.
آجی دویونلردن قورتاراجاغام
اونون او زیل قارا چاتما قاشلارین.

امکچی الیله یئندیره جگم
شاهی شاهزاده نی تخت کیاندان.
امامزادالاردا آغلامیا جاق.
آنالار، اوغوللا، گلینلر، اینان.

گولله لنمیه جک با شماقچی «علی»
خلقلرین آرزوسو گولله نه جکدیر.
قبیری اوستونده «خیابانی» نین
سعادت یئلکنی یئلله نه جکدیر.

کنند لردن قالخاجاق «آذراو غلو» لار
قالمايا جاق شاعیر قوینوندا الی،
سعادت نغمه سی یازاجاق هامی،
اسگیك اولمايا جاق کیمسه نین دیلی.

دئینه نامرد یادا هئچ زامان منیم،
اوره گیم سویوق داش اولمايا جاق دیر.
دئینه منیم ایگید کوراو غلو بالام
ئوزگه تورپاغینی آلمایا جاق دیر.

دئینه بوردان قالخان ابدی اودلار
تامام آسیانی بورویه جکدیر.
امپراتور لوغو بویوندوروقلا
دنیزلره ساری سورویه جکدیر.

۱۳۵۲

بلوچ قارداشېم

سمحرله اويانيب اوزون يول سورن
يوموشاق قوملارا ايزسالان بلوچ.
گونشله سورونوب داغ-دره وارن
يالين قابالارلا ووروشان بلوچ.

آي ائلين - اويماغين ترك ائديب گئدن
سؤيله كيملر سنى درېدر قىلدى؟
هر آدديم اوتوروب درين آه چكن،
سؤيله كيم نشترله باغريوى دلدى؟

چېرېندين يايى-قىش اودلو يئلرله،
ساوروق تالالارى اولدولاريلين.
صباحى سيلكىندين، گئندين ها گئندين،
قانلى جنگللرده مسكن ائيلهدين.

داياني نين قالين قابارلاريندان
قان آخدى يول اوزره، قيزيل ايزسالدى
لهلييه - لهلييه جانهايى ايله
سن ئوتدون، قيرمىزى اشاره ن قالدى.

گئجه لر اوتوردون قارا كوماتدا

گە ۋەنەن شەلەسەن اوزاقدان گۆردوم.
دۇنچىك «اودىوردونا» گۆزوم اودلاندى
قانىوا- اودووا من جواب وئردىم.

دئىبىرم كى چوخدا اوزاق دگىلىك
يولوموزدا ھەرگاھ اوچروم اولماسا.
ھەر گىچە بىز سىزدە قوناق اولاردىق
نامرد آرامىزدا سىنگر سالماسا.

دئىبىرم آى قارداش گل اوجاق قوراق،
تامام ائىل - اويماغى بىر يىترە يىغاق.
ھايفىرىب نامردە ھجوم ائىلىيەك،
ظلمون ئوركنىنى لاپ دىيدىن قىراق.

بىلىزم آى قارداش اوگون ياخىندىر،
بو سۆزە أوره كىدن من اينانىرام.
دىلگە چاتتارىق او شن زاماندا
گلچىك، گلچىك، بونو آنىرام.

سحرىن سسىلە، شفق رنگىلە ،
آخاچام آخىر كۆنلۈنە سىنىن.
ائىلىمىن اودوندان مەھبىتىندىن
قوياجاغام اثر جانىندا درىن.

کندلی لیرین اوخومالاری

آی کندلی لر توپلانی،
ماهنی دئییب اوخویاق.
بیر - بیریزه ساپلانی
اوزون زنجیر توخویاق

هر آددیمدان بیر سبالاق
بوینونا آغلارین.
آجی قیشاسون قویاق
اوزون گۆرهك باهارین!

کندلی بیک آی آقلار،
در تلی بیک آی آقلار!

یایدا قان - تر ایچهریک،
سنبل لری بیچهریک.

آجلىغىمىزدان قىشدا،
شە ەرلرە كۆچەرىك!

توراغايى اوچاندا
شاھلار شراب ايچىندە،
ھرياندان قاوولارىق
كەندىمىزدن كۆچىندە!

بىز قىللى يىق توكلويوك،
عومور بويو يوكلويوك.
ھرنە دئىدىز ايناندىق،
بىز قولاغى توكلويوك!

مەكتەب آچىلىرى يىنىكى
فارس دئىيەك دىنىكى - دىنىكى
بىر كىمىسە ھىچ سۆيلىمىر.
بىگو بىنىم چى مىگى؟

قاپىنى ياغىش دۇيور
اورەگىمىز دۇيونيور
بىز بوردا تىقرەشپرىك
او اوردا ئوزون ئويور!

سارايىدا پولو سىللە،

تبیم وار منی یثلله.
دوقتورلار دئیرلر کی:
کندلیدیر، جانیم، وثلله!

آی قیز، گؤزلری آلا،
دور پینجه اودون قالا.
شاهی باسدیرا جاغام
نالچی یاخشی باخ نالا!

چایلار چشمه لر دولار،
سنبللی اوراق یولار.
آزاد لیغا چیمخاریق،
گمان کی بیر گون اولار!

باغدا چیچک اکریک،
دیینه سو تۇ کریک،
ظالیملرین گؤزونہ
اوخ تک آخر چؤ کریک!

یاشیلیقدیر مٹشه میز،
ایشله مکدیر پٹشه میز..
بیچیلہ جک شاه کو کو
ایتیلیری تٹشه میز!

کندلی بیک آی آقالار،
در-تلی بیک آی آقالار!..

موللا قوران اوخویار،
کندلی خلی توخویار.
خلی نی آپارارلار،
سارایلارا سالارلار.
سارایدا اگله شرلر
قیزیل شراب ایچرلر
کندلی قاپی دان باخار،
منی یاندریب یاخار.
بارماغینی قالدیرار،
قیرمیز قانی دامجی لار.
دوشر خلی اوستونه
آغ ناخیشدا ایز سالار،
گؤز ائله اوردا قالار.
گؤز باخماقدان قارالار
قان سارالار، سارالار ...

کندلی بیک آی آقالار،
درتلی بیک آی آقالار...

فیش ۱۳۴۶

آی قالاسی

قوزو اوتلور گۆی یاماجدا،
قارانقوش اوخور آغا جدا.
قیز، چۆره گئی یاپیر ساجدا
یار قاییدیر اوتای یالدا
آیریلیری قیز ملالدا.

گۆی پری سی بولود ساغیر،
یاغیش یاغیر آغیر-آغیر.
منیمده ائلیمی چاغیر
دوراق سلاملی سمایا
ناماز ده اولدوز آیا.

داغ دره ده چای بورولدو
هریاندا سویو دورولدو.
ائل گلیدی ائولر قورولدو
بیرجه منیم ائلیم قالدی
گلمه دی گونوم قارالدی.

گورول دورو جوشغون سئلر،
قىزىلدىرى ايتى يئلر.
گئىدىن دئىين كؤ چون ائلر
قىش گلىدى غملر اوجالدى
داغلار آغاچلار قوجالدى؟

گونش ساچىر، هاوا سازدىر،
چشمه باشى قوشدور قازدىر.
يامان گونون عمرى آزدىر
يامانلىق بير ماته ساتماز
ياخشىلىقى كيمسه آتماز

اوينايىرى دوزده جيران
قاوزانىرى يالدا داوشان،
دايانمايىر نازلى مهمان.
گؤرونمه مېش ئىز ساووشور
هجرىنده كؤنلوم قاووشور.

آداخلى قىزخوش آوازلى
قاش مغانلى گؤز شيرازلى
خمار-خمار، نازلى - نازلى،
اوغرايىر بولاغا سارى
يال تيه ده دوروب يارى.

يازگونشی قار اريتدی
قوجاليغين آغاج سيلکدی.
بايرام گلدی، بوز آی بیتدی
سنين بايرامين نه کاسدی
باختی مين آيناسی تاسدی.

گونش سحرملك آلاندا
لاله لر تندير سالاندا
بمباردماندا، تالاندا،
قول آديله آلدی دشمن
هيچقير تيا سالدی دشمن.

ملعون قاری هاوارلادی،
لاپ قاپیدا دادارلادی.
برک بثلینی دونقارلادی
ایکی گۆزونی بره لندی،
بو حالا منی او گتدی.

بايرام واختی مغان يوردو،
مغان يوردو، جانان يوردو.
سن کی يوخسان فغان يوردو،
دشمن بیزی درده سالدی
شادليغيمیزی او آلدی.

كۈنۈل دۆزمۈر آيرىلىغا،
فلك نىچىن ائدير جفا؟
هاچان بىتر بوماجرا
كۈنلۈمو ھجران داغ ائىدى
وارىوخومو غم داغىتىدى.

بوز آى بىتىدى شاختا آشدى
كۈل دىيىندىن داوشان قاشدى.
كۈچ زامانى ياخىنلاشدى
آى قالاسى باخ اوتايا
سلام وئرائلە اوبايا.

آى قالاسى داشلى داشلى
گونش ساچىر ساشلى ساشلى
ايگى گۈزۈم قابىب ياشلى
ائللر يارىما ياراۋلسون،
يارىن يولوھامار اولسون!

آى قالاسى ائللريۈه
تئز ساۋولان يئللريۈه.
داش آشيران سئللريۈه ،
سۋىلە منىم احوالىمى
دئىنە بو غملى حالىمى.

گونش ساچاغین آتیبیدی
اٹلر هامی سی چاتیبیدی
یار اٹلی هاردا یاتیبیدی
آی قالاسی یار حالین وئر
باخ اوتایا احوالین وئر.

چایلارین چشمه ن آخاندای
گونش داغلاردان باخاندای.
خیش- آلانلاری ناخاندای
اٹل ساوولار قاتار- قاتار
یار، یارینی بوردا تاپار.

آی قالاسی طولوم قالدی
نئچین جفاکار اوجالدی؟
یاریمی کیم قیراق سالدی
گؤزوم حله یولوندا دیر
ساغیندا دیر، سولوندا دیر.

آی قالاسی صفا بسلر
انسانلاری وفا بسلر
فلک نئچین جفا بسلر؟
قارقینمیشا وفائویرهت
وفا، وفا، وفائویرهت!

بولود بوز آيدا جالانار
سوگۇى بوز اوسته قالانار
دالغالارى چالخالانار
دليك آچار سوزر آلتا
خيردا بوزو دوزر آلتا.

يورد گۇسترن دوران زمان،
آلاچينى قوران زمان.
ديرهك يشره ووران زمان
بيرقوش اولوب من اوچايديم
تمز سنه سارى قاچايديم.

اىل يوكو كۇچده قالانار،
دوه ده تاي ييرغالانار.
قيزين سهنكى جالانار،
اوغلان آوجون آچار ايچر
كۇنلونون غمينى بيچر.

اوزالنداندا گۇى قورشاغى
قارباساندا باخچا- باغى
چن دوتاندا تبه داغى
باخ دوتغون قارالتيلارا
دئبيرلر ائللر اورادا.

آی قالاسی داغ تره‌سی،
جنگل کندی نین دره‌سی.
آی نه یاماندير بره‌سی
یول تاپ گئدیم جنگله من
نبی‌نی قاپیم او‌کنددن.

یاز گونلری نظام نظام
ائلر سنه یوللار سلام.
أللرینده ده دولو جام
یاللارین دؤشون سولانار
دئوره‌وی چایلار دولانار.

آی قالاسی یازدا بیتدی
گلمه‌دی یار، گویا ایتدی
دئیر لر بیر دیلی گئتدی
بیرده دا گلمز بورایا
بئلنچیک محنت سرايا

آی قالاسی سؤیله یارا،
گؤزل کهلیک باتدی قارا.
ساغالسایدی هر بیر یارا
دیل یاراسی هئچ ساغالماز
بیر آن بئله راحت قالماز.

شاخدی گۆیده کی قونودلار
 گۆیردی جوشدو بولودلار.
 سئل—سولارا دوشدو قوردلار
 شاققیلدا سین قوی سئلرین
 چیگنیه دوشسون تئلرین

سندە بىتر گول ياسمن
 باغیشلارام جان سنه من
 جان ندى؟ هر بيرزاد سن سن
 آي قالاسى صفا يوردو
 صفا يوردو، خدا يوردو.

قىز بىچەنى كىشلىبە ندە
 نهرانى گون دىشلىبە ندە
 دگيرمانى ايشلىبە ندە
 باخ اوتايا سلام گۆندر
 نىسگىل دولو پيام گۆندر

آي قالاسى چشمەن آخسین
 دیوارلارین هایلا شاخسین.
 گۆزللرین سنه باخسین
 سنه هامى حیران اولسون
 سندن کئچن حیران اولسون.

آی قالاسی چیخ سمايا
دردلریمی سؤیله آيا.
کؤنلومه اول محکم پایا
درد- غملر یوخسا ییخدی،
قارا گونلر اونو سیخدی.

آی قالاسی جان پاراسی
گؤزومون آغی قاراسی
کوراوغلونون گهواراسی
دوشمه قیراق ئوز جانیندان
شانلی آذربایجانیندان.

نوجه دهه یاناهرانا
تازاکنده، گوروانا،
ناها، اندیزه، هریانا
سن لیجیملی گؤزهتچی اول
اونلارا وئر بیر آچیق یول.

آی قالاسی آزادا ولسون
قددی بویو ششمد اولسون.
بوتای کندلر آباد اولسون
بوردادا مکتب آچیلسمین
کتابلارا گون ساچیلسمین

آی قالاسی وئر نفسین،
سسلندیر ائللر جرسین
آت دئنه، دونیئا هوسین
انسان گرك پاك یاشایا
دئولر یئتیرمز هارایا.

آی قالاسی نار بیتیرسین،
دؤرد بیر یانی بار گتیرسین.
قیش داغیلرین، یازیئتیرسین
راحتات بوردا قوی یوخلاییم،
قاراوولوم سن اول دایم.

آی قالاسی سرین اولسون
چشمه لری درین اولسون،
صفا عاشیقلرین اولسون.
عشق اودونا اورهك یانسین
هر بیر کؤنول دردی قانسین

آی قالاسی، گؤیلر شاهی
عاشقلرین قبله گاهی.
ئللریمیزین کلاهی
سن یاشا دونیا بویونجا
کؤنلومه اود وور دیونجا.

چاندی باشا روزگاریم
آل بو اورهك یادگاریم
اولسا منیم اختیاریم
گؤیلرین باشین اُگرم
سجده وه ساللام گئدهرم

ساغلیغینان قال، خوش یاشا
باش آپار اولدوزا، آبا،
گئتمه لی اولدوم قیراغا
گؤرنمه سم آتما منی
من کی اونودمارام سنی

تبریز - یای ۱۳۴۳

نشر اولان دیگر دیوانلار

۱۳۵۷ کیچیک شعرلر

۱۳۵۷ صمد بهرنگی منظومه‌سی

۱۳۶۰ باکی لوحه‌لری

«آذربایجان مدنیت جمعیتی» نشر ائتمیشدیر:

ساحر، حبیب. سحر ایشیقلا نیر ۱۸۸ ص. ۱۵، ۰ تومن
حبیب ساهرین وطنپرور لیک دویغولو، انقلابی احوال روحیه و گرگین
غضب و فریادلار ایله دولو بیرچوخ شعرلرینی احتوا ائدن بومجموعه
انقلابدان سونرا، ۱۳۵۸ نجی ایله نشر اولموشدور.

دوزگون، حسین. گونشلی وطن یادداشتلاری، ۱۳۲ ص، ۱۲۵ ریال
یازیچی ۱۳۶۰ - نجی ایلین خرداد و تیر آیلاریندا سوهت آذربایجانیندا
اولموشدور و آذربایجان یازیچیلار اتفاقینین ۷-نجی قورولتاینیندا اشتراك
ائتمیشدیر. کتاب همین سفرین یول قیدلریندن عبارتدیر.

دوزگون، حسین. کیچیک شعرلر، ۱۵۰، ص ۸۰ ریال
شاعرین ۱۳۴۰ - نجی ایله یازدیغی حرارتلی شعرلری داخلدیر.
اثرده وطنپرور لیک، ضد استبداد، آنتی امپریالیزم و جاسانی لیریزم حال و
هواسی واردیر.

مجموعه، ۱۳۲ ص. ۸۰، ۰ ریال
ساهر، دوزگون، قافلانتي، صلاحی و جای اوغلونون مختلف شعرلرینی
احتوا ائدن بومجموعه، انقلابدان سونرا نشر اولموشدور.

قافلانتي، سئچیلمیش اثرلر، ۷۶ ص. ۶۰ ریال
اثره شاعرین «بیزیم کندین بیر ایلیک تاریخی» منظومه سی و بیرنچه
اوزون شعرلری داخلدیر. فتودالیزم دوتیاسی نین عیبه جریلیک لرین ترسیم ائدن
شاعر، شعرلرینده اربابلارین ظلم و بیدادیندان فریاد ائدیر.

نصرت، بختیار. قیزیلقان ۷۲ ص، ۸۰ ریال
شاعرین ایلیک شعر مجموعه سیدیر. اثره وطنپرور روح حاکمدیر.

دوزگون، حسین. باکی لوحه لری ۴۸ ص. ۴۰، ۰ ریال
شاعرین سوهت آذربایجانینا سفری ائناسیندا یازمیش مختلف شعرلری
احتوا ائدیر.

